



Na osnovu Odluke Gradskog vijeća Grada Gradačac, broj: 01-04-367/24 od 27.12.2024. godine („Službeni glasnik Grada Gradačac“, broj 9/24), Gradonačelnik Grada Gradačac o b j a v l j u j e

JAVNI OGLAS

o

prodaji starog demontiranog krovopokrivača i starih čeličnih cijevi sa objekta sportske dvorane Skenderija

I - Predmet prodaje

Grad Gradačac putem prikupljanja pismenih ponuda prodaje stari demontirani krovopokrivač i stare čelične cijevi sa objekta Sportske dvorane Skenderija u Gradačcu, i to:

- metalne cijevi Ø 50 mm ukupne količine cca 630 kg
- lim u zelenoj i bijeloj boji u ukupnoj površini od cca 3.265,00 m²

Prodaja metalnih cijevi i limenog krovopokrivača će se izvršiti po principu „videnog zatečenog stanja“, bez prava kupca na naknadne reklamacije i prigovore po pitanju kvalitete i nedostataka.

II – Kupoprodajna cijena

Shodno procjeni sudskog vještaka građevinske struke utvrđeno je da vrijednost limenog pokrivača iznosi 11.101,00 KM, dok je vrijednost metalnih cijevi 425,60 KM.

Navedene vrijednosti predstavljaju početni iznos prilikom prodaje i davanja pismene ponude od strane ponuđača.

Dostavljene pismene ponude sa nižim iznosom od početnog se neće uzeti u razmatranje.

III- Postupak prodaje

Postupak prodaje će se izvršiti putem javnog oglasa, na osnovu prikupljanja pismenih ponuda, a isti će provesti Komisija imenovana od strane Gradonačelnika.

Osnovni kriterij za odabir ponuđača je najviša ponuđena kupoprodajna cijena u odnosu na početne vrijednosti koje su navedene u tački II ovog javnog oglasa.

Dostavljene ponude sa nižim iznosom od početnog se neće uzeti u razmatranje.

Kupac je pored plaćanja iznosa kupoprodajne cijene, dužan snositi i troškove utovara, istovara, transporta i sl.

Pravo učešća u postupku prodaje imaju sva fizička i pravna lica, koja uplate kaparu u iznosu od 10 % od početne vrijednosti, i to: 1.110,10 KM za limeni pokrivač i 42,56 KM za metalne cijevi.

Zainteresovana lica mogu dostaviti ponude i za limeni pokrivač i metalne cijevi zajedno, ili samo za jedno od to dvoje, pri čemu su dužni voditi računa i prilikom uplate kapare.

Prednost pri kupovini će imati lica koja dostave ponude i za limeni pokrivač i za metalne cijevi zajedno.

Pristigle ponude će razmotriti Komisija, o čemu će sačiniti i zapisnik.

Na prijedlog Komisije, Gradonačelnik ili osoba koju on ovlasti posebnim rješenjem, će sa odabranim ponuđačem zaključiti ugovor o prodaji.

Ukoliko odabrani ponuđač ne pristupi zaključenju ugovora u roku od 8 (osam) dana od dana prijema obavijesti o odabiru, gubi pravo na povrat uplaćene kapare.

Učesnicima koji ne ostvare pravo na kupovinu, uplaćena kapara će se vratiti u roku od 5 (pet) dana od dana zaključenja postupka prodaje.

Kupac je dužan najkasnije u roku od 7 (sedam) dana od dana potpisivanja ugovora o prodaji, uplatiti iznos kupoprodajne cijene, umanjene za iznos uplaćene kapare.

Ukoliko kupac u ostavljenom roku ne izmiri svoju obavezu i dokaz o uplati ne dostavi Gradskoj službi za geodetske i imovinsko-pravne poslove Grada Gradačac, smatrat će se da je odustao od kupovine i jednostrano raskinuo ugovor.

U slučaju iz prethodnog stava, objavit će se ponovni oglas o prodaji.

Svoje pismene ponude u zatvorenim kovertama zainteresovana lica predaju na šalteru 6 Gradske uprave Gradačac sa naznakom :

Grad Gradačac

Gradska služba za geodetske i imovinsko-pravne poslove

Komisija za provođenje javnog oglasa o prodaji starog demontiranog krovopokrivača i starih

čelinih cijevi sa objekta sportske dvorane Skenderija

„ne otvaraj“

IV- Razgledanje i uvid u predmet prodaje

Lica koja su zainteresovana za kupovinu imaju mogućnost da izvrše uvid u pokretnine koje su predmet prodaje, svakim radnim danom od 07.30-16.00 sati, sve do zatvaranja javnog oglasa.

Termin za uvid u pokretnine koje su predmet prodaje, zainteresovana lica mogu zakazati kod predstavnika Gradske uprave, Mujčić Armina na tel. broj 062/185-420 ili Hodžić Aziza na tel. broj 061/762-593.

V- Trajanje oglasa

Javni oglas o prodaji će biti otvoren 15 (petnaest) dana od dana objavljivanja na web stranici i oglasnoj ploči Grada Gradačac, a ponude pristigle nakon zatvaranja oglasa neće biti uzete u razmatranje.

Broj: 09/2-27-4867/24

Datum: 03.02.2025. godine



Gradonačelnik
Hajrudin Mehanović